



M P O B

LEMBAGA MINYAK SAWIT MALAYSIA

Malaysian Palm Oil Board

Kementerian Perusahaan Perladangan dan Komoditi
(Ministry of Plantation Industries and Commodities)

Ruj. Tuan / Your Ref :

Ruj. Kami / Our Ref: (9)04/C/PD/656/4 Jil. 6

18 Mei 2020

Pk (EL) MPOB 02/2020

Semua Pemegang Lesen Kategori Pengeksport Keluaran Kelapa Sawit
Semua Pemegang Lesen Kategori Pengimport Keluaran Kelapa Sawit

Tuan/Puan,

PENANGGUHAN PENGUATKUASAAN TAMBAHAN SYARAT LESEN YANG DIKENAKAN BAGI PEMEGANG LESEN DALAM KATEGORI PENGEKSPORT KELUARAN KELAPA SAWIT (PX) DAN PENGIMPORT KELUARAN KELAPA SAWIT (PM): SPESIFIKASI KUALITI UNTUK MINYAK SAWIT MENTAH BAGI KUALITI STANDARD KLORIN (Cl) — PEKELILING PENGUATKUASAAN PELESENAN MPOB 01/2019 [Pk (EL) MPOB 01/2019] BERTARIKH 30 OKTOBER 2019

Dengan hormatnya saya ingin menarik perhatian tuan/puan mengenai perkara di atas dan surat kami rujukan (9)04/C/PD/656/4 Jil.5 dan Pekeliling Penguatkuasaan (Pelesenan) Pk (EL) MPOB 01/2019 bertarikh 30 Oktober 2019 adalah berkaitan.

2. Adalah dimaklumkan bahawa Mesyuarat Lembaga ke-108 yang telah diadakan pada 23 April 2020 telah mempersetujui tambahan syarat lesen berkaitan Spesifikasi Kualiti untuk Minyak Sawit Mentah bagi Kualiti Standard Klorin (Cl), maksimum 2.0 ppm DITANGGUHKAN pelaksanaan penguatkuasaannya sehingga ke suatu tarikh yang akan ditetapkan.

3. Walau apa pun, spesifikasi kualiti bagi ciri-ciri Asid Lemak Bebas (FFA) — 5.0 % maksimum, Kelembapan & Kotoran (M&I) — 0.25 % maksimum dan DOBI 2.31 minimum adalah kekal yang mana pelaksanaan penguatkuasaannya pada 1 Julai 2020. Berikut diperincikan tambahan syarat lesen tersebut berdasarkan keputusan Mesyuarat Lembaga ke-108 :

(i) Pemegang lesen hendaklah memastikan bahawa minyak sawit mentah, pada masa penghantaran mengikut amalan perniagaan semasa, iaitu pada masa penyerahan minyak daripada tangki penjual, sama ada kilang buah kelapa sawit, pusat simpanan pukal, eksport, import, atau selainnya, mengikut mana-mana yang berkenaan, mematuhi spesifikasi yang ditentukan oleh Lembaga sepertimana yang ditetapkan dalam Jadual A: Spesifikasi Kualiti untuk Minyak Sawit Mentah.

(ii) Pemegang lesen hendaklah memastikan import minyak sawit mentah mematuhi spesifikasi yang ditentukan oleh Lembaga sebagaimana yang ditetapkan dalam Jadual A: Spesifikasi Kualiti untuk Minyak Sawit Mentah.



dan

(iii) Pemegang lesen hendaklah memastikan kontrak jualan atau belian; dan termasuk kontrak antarabangsa, antara pembeli dan penjual mematuhi spesifikasi yang ditentukan oleh Lembaga sepertimana yang ditetapkan dalam Jadual A: Spesifikasi Kualiti untuk Minyak Sawit Mentah, dan keperluan lain oleh pembeli.

Jadual A: Spesifikasi Kualiti untuk Minyak Sawit Mentah

Bil.	Ciri-ciri	Kualiti Standard	Tarikh Kuat Kuasa
a.	Asid Lemak Bebas (FFA) (sebagai palmitik), % maks	5.0	1 Julai 2020
b.	Kelembapan & Kotoran (M&I), % maks	0.25	1 Julai 2020
c.	DOBI, min	2.31	1 Julai 2020
d.	Klorin (Cl), maks	2.0 ppm	Ditangguhkan ke suatu tarikh yang akan ditetapkan. (Mesyuarat Lembaga Ke-108, 23 April 2020)

4. Sehubungan ini, Lembaga akan menguatkuasakan syarat lesen seperti yang diperincikan di dalam Pekeliling Penguatkuasaan (Pelesenan) MPOB 01/2019 (Pk (EL) MPOB 01/2019) secara berperingkat ke atas kategori PX dan PM mulai 1 Julai 2020 kecuali Spesifikasi Kualiti untuk Minyak Sawit Mentah bagi Kualiti Standard Klorin (Cl), maksimum 2.0 ppm DITANGGUHKAN.

5. Pihak tuan/puan dikehendaki mematuhi syarat-syarat lesen yang telah ditetapkan sebagaimana Jadual Enam, Peraturan 21, Peraturan-Peraturan Lembaga Minyak Sawit Malaysia (Pelesenan) 2005, Pekeliling Penguatkuasaan (Pelesenan) MPOB 01/2019 (Pk (EL) MPOB 01/2019) dan Pekeliling Penguatkuasaan (Pelesenan) MPOB 02/2020 (Pk (EL) MPOB 02/2020) bagi mengelak tindakan penguatkuasaan MPOB.

Sekian, terima kasih.

Yang benar,



DR. AHMAD PARVEEZ HJ. GHULAM KADIR
Ketua Pengarah, MPOB

- s.k i. Pengerusi MPOB
- ii. Setiausaha Bahagian Kanan,
Bahagian Kemajuan Industri Sawit & Sago (BISS) MPIC
- iii. Setiausaha Eksekutif MPOA
- iv. Setiausaha Eksekutif POMA
- v. Setiausaha Eksekutif PORAM
- vi. Setiausaha Eksekutif MEOMA
- vii. Setiausaha Eksekutif EMPA
- viii. Setiausaha Eksekutif NASH
- ix. Setiausaha Eksekutif MEOA
- x. Setiausaha Eksekutif SOPPOA
- xi. Setiausaha Eksekutif ISP
- xii. Setiausaha Eksekutif MOPDA